

上清靈寶大法卷之十二

樓四

上清靈寶大法卷之十二

樓四

洞微高士開光救苦真人審金真授

上清三洞弟子靈寶領教嗣師王契真纂

濟世立功門

師曰凡立功建德各有齋法謂如天地否

終則修靈寶金錄齋星宿錯度日月失昏

則修天皇九曜齋四時失度陰陽不調則

修五帝育物齋兵革四興則修太一聖真

齋疫毒流行則修長生保命齋請雨祈晴

則修洞淵五神齋師友命過則修黃錄齋

是也

九種陰功

經曰星宿錯度

謂五星凌犯九曜差躔妖彗出野次舍不  
順變亂經常也

接四

日月失昏

謂日青無光日行失次薄蝕翳暈之類也

四時失度

謂春行秋令夏霜冬雷之類也

陰陽不調



謂雨暘不時烝候差忒之類也

國主有災

謂亂臣賊子篡權專制逼脅王命違和失

政之類也

兵革四興

謂八方未化藩戎侵境賊鋒逆臣四伐亂  
征鎮山壓野男號女悲互相凌殘之類也

疫毒流行

謂時行瘟疫遍連城邑不祀之鬼乘烝為  
沴以致野道蠱魅精恠妖邪惡獸毒物惑



亂擾害之類也

兆民死傷

謂風動氣冷鬼邪侵犯山崩地陷水火相  
侵河海山川惡物興禍鬼邪癆瘵傳尸伏  
連蠱疰行病肆毒使斯民夭橫非命死傷

樓四

二

之類也

師友命過

謂同學門人凡有一善可師則為師同一  
朝之學皆曰友凡傳道嗣法共志同門義  
等天親情無生死命過之後當竭追修隨

事之宜是也

此皆修齋行香誦經之本意謂之九種陰  
功其法若大事當建靈寶玄壇小事則建  
三晨小壇凡師友命過則量度誦建依黃  
籙品格餘皆按此法立壇陳九鼎埋三晨  
之象壓蓋行持驗灾增減潔清壇墀備列  
好樂之具詳錄五事灾狀啓所隸之高真  
則丹心合天五功乃就克臻升舉是爲陰  
功以密行爲貴洩語外知其功不注矣

立壇式

法曰當取生炁方無穢汚石礫淨土擇不  
經生死戰陣刑獄屠宰之地築壇三層若  
三晨壇每層各高一尺上層闊二尺中層  
闊三尺下層闊六尺三層各隨事設所屬  
聖位上層以符鎮之

接四

壇之上層埋三晨之像埋深九寸日居右

三


月居左五星各從其方中層依八方排九  
鼎中宮一鼎附安坤位造鼎之法古者以  
金銀銅鐵鑄成或用新潔甕器如鼎之樣  
燒成上作一蓋器之外以朱書九鼎之名



却於鼎內以黑書九州之名隨方分布各  
方先以朱書河圖數文文之上却安其鼎  
以鼎名向外平穩安之無使欹側先期奏  
聞上帝申牒壇中合屬真靈移文所在地  
祇等神守護壇禁行事之時汲九方清泉  
貯於九鼎之中法師口奏事情以蓋覆之  
仍別設淨筵各依好樂備置儀物時花新  
果燒香然燈鋪陳如法次集善行清修同  
齋之士不拘人數共修齋直禁壇淨穢誠  
信精篤悉按古儀六時行香十遍轉經使

丹衷上格天，既下臨非世俗。常行讀誦之，易也。倘非善士，心馳塵境，口宣靈篇，雖積累千萬，無益於事。凡功成德就，啓九鼎視之，仍舊以蓋覆。定若鼎內水清澄，如初理之常也。若小有混濁，或別見異狀，則有災變。反常者，皆為妖。可依式辯驗，則可以知其所屬分野、災厄。未能全解，當別行愈灾法。

解星宿錯度日月失昏符



上層聖位

天皇大帝

太微帝君

北斗星君

接四

五方五帝

十一曜星君

韓君丈人

九天萬福真君

妙行真人

青羅真人

中層聖位

三台華蓋星君

二十八宿日君

三元三官大帝

北極四聖真君

十方飛天神王



下層聖位

八卦大神


九州社令

五嶽大神

十二月將

十二時直

解四時失度陰陽不調符



上層聖位

虛皇天真

五方五帝

三官大帝

四司真君

扶桑大帝

暘谷神王



中層聖位

五嶽大神 九州社令 四海龍君

四瀆源王 八卦大神


下層聖位

風雷雨部大神 風伯雨師 河上玉女

湖中玉女 海中玉女 十二月將

十二時直 太歲尊神 直壇土地

解國主有灾兵革四興符



上層聖位

昊天上帝 聖祖天尊 天皇大帝

太微天帝 十方靈寶天尊 四聖真君

五師真君 太一十神列位

中層聖位

三十二天帝 十一曜星君 十方神王

九宮大神 三奇大神 太一神君

下層聖位

九壘土皇君 五嶽大神 九州社令

城隍主者

太一八門神君

太歲尊神


十二月將

十二時直

土地正神

直壇神吏

解疫毒流行兆民死傷符



上層聖位

昊天上帝

十方靈寶天尊長生保命天尊

妙行真人

三官大帝

五師真君



四聖真君

度厄尊神

中層聖位

三元將軍

解厄度厄兵吏

收瘟斬瘟大將軍

天醫大神

甘露童子

清涼玉女

下層聖位

接四

五方天兵騎吏

九州社令

太歲尊神

十二月將

十二時直

城隍主者


土地正神

師曰大凡解師友命過具有黃錄齋儀此

不贅述



三晨小壇



二晨像

日像用金月像用玉

右各經一寸如其形如無金玉可以銀銅

代之

五星像以五色石瑱

右如小彈丸大

上真星宿好樂

琵琶

鳳管

時花

新果

山泉

五穀

潔飯卷

青木香

甘松

茅香

大棗

細茶

幡卷

綵綉卷

接四

七

太一十神好樂

竹弓

蘆矢

印甲馬

無鞍馬

兵士

木刀

木鎗

木劔

木戟

緋紙錢

黑紙錢

繒卷

時花

新果

九州分野大神



揚州鄒混分野社令正神 九宮釜

荊州張象分野社令正神 二宮曉

兗州費萌分野社令正神 八宮蒼

徐州賈萌分野社令正神 四宮銅

雍州盛季分野社令正神 六宮寶

冀州馮遷分野社令正神 一宮昂

豫州范杞分野社令正神 五官鼎

青州祥育分野社令正神 三宮豆

梁州張謙分野社令正神 七宮魁

九鼎樣

河圖式

四 徐



銅

三 青



罍

八 充



蒼

九 揚



釜

五 豫



鼎

冀



鬲

二 荆



哿

七 梁









魁

六 雍



寶





驗鼎內災福厄會法

黑濁主水災

黑渾雨滂

黃濁風災

黃渾疫疾

黃穢蟲災

字裂地動

白濁字點小寇

白渾字滅兵災

小渾濁耗旱災

水紅赤字淡火災

青渾飢荒

樓四

如有非法變動並須奏白天省批報以別  
之如平常者則主一州平寧或災變未釋  
當用九宮愈災法再解禳之

九宮八節愈災法

師曰南上之宮韓司主柄有九宮天星下

降九地執奉天命司行災異一節主災炁  
一年主分五日主巡治一日主變令

坎宮玄淵之神曰太一星也主兵水河泛岸  
決穀貴兵戈

離宮丹炎之神曰天一星也主火旱草枯亢

樓四

九

陽大災穀焦民飢

中宮厚化之神曰天府星也主地炁害坼土  
功地震疾病民勞

乾宮飛雲之神曰青龍星也主霜寒大水小

兵



艮宮積陰之神曰太陰星也主陰露霧霾日月無光

震宮黃龍之神曰軒轅星也主迅雷烈風苦

雨藩營多病重霜

巽宮虛雷之神曰招搖星也主卒風電雨損

傷禾稼蟲蝗

坤宮元土之神曰攝提星也主土功暴寒霜

凍大霧傷殺草木

兌宮金秀之神曰咸池星也主霜寒五穀折

毀兵盜狂賊

如上九星奉南上之命各主一節令之災  
異按九州而巡行多致剋制之宮而成四  
時失度陰陽不調也又有三清長吏太一  
神君專主兵革旱澇疫毒流行况紫微上  
宮天皇玄府青羅真人主劫數曆限推遷  
七政司括下元民災國厄日月薄蝕五星  
變易失度差躔天折地震妖彗凶孛在星  
異炁亦主九土災祥也

愈災之法依九宮所管八節方位行用且  
以冬至日為始先面東誦經十過以消冬

至後到立春節計四十五日內九土之灾  
却自坎一宮為始面北誦轉到離九宮成  
九過又面東一轉成十轉也以消北方坎  
宮之灾是一節誦二十過經也又如立春  
節先面東誦經十過以消立春後到春分  
樓曰四十五日九土之灾却自艮八宮為始面  
十東北誦轉到兌七宮成九過又面東一轉  
成十轉以消艮宮東北方之灾餘皆倣此  
並依九宮式次第為之凡誦經畢並視侍  
經玉女玉童典行其意每思一土如元始



十遍二回說經之詳自始青至皆得度世  
一念一存思矣

八節九宮圖

坤 <small>坤</small> <small>坤</small>	離 <small>離</small> <small>離</small>	坎 <small>坎</small> <small>坎</small>
震 <small>震</small> <small>震</small>	中五宮 <small>土旺</small> <small>四季</small>	兌 <small>兌</small> <small>兌</small>
艮 <small>艮</small> <small>艮</small>	坎一宮 <small>冬至</small>	巽 <small>巽</small> <small>巽</small>

立壇解禳式

師曰凡九土灾祥每歲十月下元普校大會之日上帝已預定矣至十一月冬立一陽氣應灾祥隨炁昇潛積累同乎數者未即然至正月元日後灾祥發矣亦湊同乎

樓四

十一

數者不遭數者即候出乎數者已盡灾祥始興而下世凡俗昏昧莫知逃既司洞玄仙戒不待臨事而消預於下元之後行功救世佐國安民擇同學至人九人於淨所建三天總炁壇三級上層法天中層像人

下層體地依制度築立上層圓面徑九尺  
高三尺中層作八角面縱橫相去限一丈  
二尺四寸高二尺四寸下層方面闊一丈  
五尺五寸高三尺六寸為則

又一法上層圓面相去五尺高九寸中層  
八角縱橫長七尺二寸下層方九尺高一  
尺也

上層用金作日像圓形九分玉作月像圓  
形十分以五石英作五星形如彈丸大却  
埋日像於卯位埋月像於酉位皆傍壇沿



極處五星却按東南西北中埋於上層日月之裏相去三寸各深一寸地次於壇心上立衝天柱高三尺二寸每八寸穿一天盤作三重第四下一重安斗罡如曲尺燈架上層以青色彩泥如淡碧色以丹砂用回書二十八宿罡之形中層壇以黃色彩泥周回書靈寶五功符只書四維四道次書大梵隱語光明玉字按四方均布之又書三十二天帝諱於下却用寶鼎九隻或用甕石器亦得分安八方中宮者寄安坤

宮上取深淵長流之泉貯於九鼎中未納  
水時法師九人各面九方執筆存想萬里  
人物山川城郭取炁入筆按九方數取炁  
存思且如離宮當取九口炁之類是也取  
炁吹筆了便於鼎中黑書九野之名將九

樓四

十二

方水煎沸納於器中使平滿以蓋覆之安  
燈於側及置香爐於前鼎之後立牌寫九  
炁丈人之位下層亦以白色新泥填築四  
圍開八門及天門地戶壇畫八卦畫四海  
五嶽以中嶽俯坤方及畫九州分野依式



鋪置訖並依三層三輪排列聖位悉令合  
儀畢至期行事於子午時入壇八方敷几  
案褥褥以八人同志各典一方高功却別  
立高座在地戶上面天門而統攝九宮之  
職如此定了方可六時行香每人各誦大  
經靈書各一遍同聲諷誦一遍共周十過  
仍各存心映內經法以意施為至一晝夜  
六時畢於亥時入壇開器視之方見九土  
災祥再依前行持又至亥時視之若器中  
水并所書字如常即罷壇設醮謝恩除災



度厄祈禳外並用此行持此乃大赤金科  
勿以私意妄行更易恐所行不應勞而無  
功矣

九宮牌

東方九炁總炁丈人

南方三炁總炁丈人

樓四

十三

西方七炁總炁丈人

北方五炁總炁丈人

東北方四炁總炁丈人

東南方六炁總炁丈人

西南方二炁總炁丈人

西北方一炁總炁丈人

中央十二炁總炁丈人

八門二戶

乾方太昊祖天門

坎方太淵絕水門

艮方太安玄石門

震方太原神雷門

巽方太虛靈風門

離方太明純火門

坤方太釋九地門

兌方太素衍澤門

乾方天門

巽方地戶

上輪一十三位

三境位

左右玄真人二

太一真人

妙行真人

青羅真人

靈寶真人

四相

中輪二十一一位

昊天

天皇

北極

東華木公

西元金母

三官三

四聖四

五帝五

四帥四

下輪一十四位

聖祖

太一救苦天尊

十方靈寶天尊

消灾解厄天尊

九宮解厄天尊

普慈護國天尊

長生保命天尊

大慧真人

救苦真人

真定光真人

鬱羅翹真人

光妙音真人

太極真人

三天法師

曲尺斗燈九位



北斗七元七

左輔

右弼

第一層天輪三十五位

十神太一十

十一曜十二

度人不死君

南極注生大帝

南極長生大君

度世司馬大神

好生韓君丈人

太皇萬福真君

扶衰度厄真君

樓四

十四

迴骸起死真君

南斗六司

第二層人輪三十七位

法中仙曹

執職靈官

功曹

金童

玉女等衆一位在中央

九州社令列在外

六丁玉女列左

六甲神將列右

五方

五行

五嶽佐命

第三層地輪六十三位

八卦大神

四海龍君

四瀆源王

太歲神君

立太歲方

十千大神

十二支大神

風伯

雨師

雷公

電母

霜雪上吏

四直使者

電霰上吏

雲霧上吏

九壘土皇

當處城隍

監醮靈官

直壇土地

十洲三島大小洞天靖廬福地主者


此一位立中央

三天總炁壇

禳度水旱灾厄法

接四

十五



師曰凡天炁下降地氣不昇則炎火亢極  
 旱魃為殃也地炁上昇陰勃閉陽則溢水  
 陰靈水潦為害陰德則不俟來言陽功則  
 有所懇治建癸壇則請澤立丙壇則止靈



告場谷而奏火帝責職龍而禱三官分限  
極則朝玉闕降符簡則檄雷霆丁甲施功  
太乙助力斗華摧妖治發敗正四女分隸  
和合歛翳功成百兆受澤德先萬物滋茂  
言功謝過司位遷秩各列天仙之籍德邁  
神公之比苟且無功罰壽降職兆宜遵守  
毋或怠焉

訣曰凡雨少天氣下降地氣上昇陰陽和  
合則降雨旱也天氣下降陽氣獨運地  
氣不昇陰陽不和則炎烈亢陽火旱作灾

又一隅主者酷怒暴虐怨恨敗正多致此  
灾若地炁上騰陰氣干陽天氣不降則陰  
靈淋溢水滂為害又掌民之首陰謀潛毒  
刑德不明暗害忠良招此禍也兆既司真  
階當自行陰功為兆庶密作祈禳或遇投  
詞乞於救治乃曰陽德也凡請雨當建癸  
字之壇祈晴則立丙丁之壇也大功三日  
中功七日下午功九日應效乃分限初則建  
壇齋戒持誦真經洞淵龍文關告社令行  
雨職龍暘谷神王水官司命次則奏扶桑

大帝申天曹然後神朝金闕上章請命委  
太乙元君六丁六甲三昧火匣收束水妖  
韓司雷霆去除敗害丹羽之扇開晴黑符  
之簡致雨召龍行雷持呪布澤湖海神女  
開翳分光太和海妃和會上下迅雷先風

樓四

十六

號令而必晴必雨未雨初雷燠悶而未和  
尚霖功成非已德精誠契天地上玄不曲  
物須以德合符

又曰雜類冗薄寒暑失節乾坤包承蟲蝗  
滋生啖食百穀疫癘交功傷殺黎庶夏霜



冬雷秋氣花榮春令不孚虹蜺徹天大雹  
苦雨烈風迅雷損害群物水出蛟蜃陸走  
虎兇長虺隊鼠恠魔厭蠱祈火府以拯令  
請五帝以育物西秋治蟲毒收蝗束蛇虎  
翌天除癘保命天官治疫救苦玉文鎮長  
蛟金書解厭蠱非上品難以助神功假中  
篇以讚威力應感飛昇而獲恩德福及玄  
祖又曰元始祖道分降化類以三素之炁  
化高真五行正炁化百神剛烈之炁化六  
丁柔和之炁化六甲冲和之炁生民庶至

陰之炁為鬼精雜類之炁為禽畜微冗之  
炁生昆蟲之類是也其四時之度五帝育  
物謂如春時則青帝行於和氣至四月乃  
赤帝接令變和為溫若青帝不收春令則  
薄寒氣軟五穀百果不實霧氣作疫或赤

樓四

十七

帝侵令則迅雷烈風水妖作災損於萬物  
民病熱癘癰疥痢毒是也夏時主赤帝行  
於火令成熟萬物至七月白帝接令化溫  
為涼若赤帝不收夏令則亢陽水涸虹蜺  
電雷苦雨烈風損害草木毒虺惡蟲出於

山野若白帝侵令則夏有霜霰草木黃死  
百穀不實民病咳嗽是也秋時主白帝行  
令於煞結實萬物至十月黑帝接令變涼  
為寒若白帝不收秋令則秋氣花榮虎豹  
作灾鼠食五穀民病瘡痒或黑帝侵令則  
山河溢水海圻地震百穀不成飛走自死  
地毛荒饑饉疾交作是也冬時主黑帝行  
於寒令至正月青帝接令變寒為和若黑  
帝不收冬令青帝不接令則雨蝨析木老  
幼卒亡民病大疫於春或青帝侵令則百



花旱榮有秀不實水出蛟蜃民病暴死是也又四時四氣土德助之若失於節度則陰陽不調百災萬害隨茲而生皆隸南昌上宮韓司火府韓君丈人主之號可韓統於五帝育物極令正天宿度調泰璇璣齊

常七政凡有此災須請命丈人告盟五帝下有蝗蟲虎兕並西嶽君主之疫癘屬東極青玄府太清玉司院長生保命府太一元生府翌天四司院主之玉文金符出玉司部中乃玉帝之司主之主緯中仍皆須

中篇萬過上品度人十回可以愈凶灾於  
四表除妖孽於八方也積此玄功非福一  
身慶及九祖又曰三清長吏太一之神統  
兵郡邦專主兵賊水火又天一之神有九  
炁竒將分司九野名曰貴祇亦主兵戈旱  
澇雷風陰疫所至之分亂臣賊子兵革生  
焉東華有聖元始化身可以主之三十二  
天玉字真文可以鎮之十德可以禳之九  
禮可以謝之能致太平

樓四

十八

又曰太一兵運九神推移即生兵革百官

北庶奔潰走避鎮山遍野強弱相凌血流  
郊邑屍骸暴露男號女悲此灾何解當啓  
元始化身東極太乙救苦天尊敷三十二  
天玉字真文於高山巖谷大川之中仍備  
九禮禳解次行拾德省悔自新則兵戈偃  
息立見太平永保無傾矣

九禮

甲馬弓矢

白馬

驛牛刺血

燔柴

清泉新果

異花名香

五穀

五金

五帛

錦綉也



十德

宥其死刑

宥其孤孽

戒其身心

節禮自尊

去華減食

一新百政

損事外之官

屏女色家庭

功及不顯

必代害明

禳旱禱雨立壇式

樓四

十九

師曰先擇淨地建癸字壇如常式不以大

小上層去西北東北二角中層別接左右

二豎道下層亦去東南西南二角如急用

可以黑泥塗地作癸字形於壇北列醮位


六時登壇誦大梵隱語或洞淵經文召龍  
呪祝以十九日爲限初始三日第一日關  
告社令及行雨職龍申賜谷神王及水官  
府司命府文移當稱靈寶大法司嚴校水  
府爲局其關告之式內具投詞如無詞則  
書亢旱因依也餘如後須先遣功曹遞送  
未有昭格次日申扶桑大帝告下三元水  
府東海蓬萊都水監申刺泰玄都省亦如  
前遣發更未報應即具表奏玉帝拜章達  
三天神朝金闕乞頒敕命下付水司次方

以鐵札朱書召龍符黑書致雨符擲江海  
中始告下五雷使者丁甲大神風伯雨師  
轉牒城隍九江四海湖澤龍神責限降雨  
取令周足如三日未應次行中功七日為  
期二日為限依前科式行用如更未有報  
應次行下功以九日為期三日為限亦依  
前式行用如至一十九日絕無玄報不許  
再祈一則運數天灾伐惡二則典行者寡  
德薄行三則誠心不致况太上常善救物  
不過三限必有副下民之告急者稍或有



違則三官糾察降職罰功如獲感應宜醮  
謝天恩言功效職也

洞明癸水字壇



三天召龍致雨符

三  
 天  
 召  
 炁  
 和  
 合  
 致  
 雨  
 真  
 符

三天召炁和合致雨真符

凡  
 投  
 符  
 指  
 射  
 有  
 龍  
 潭  
 洞  
 投  
 之  
 左  
 手  
 擎  
 符  
 右

凡投符指射有龍潭洞投之左手擎符右

手仗劔丁罡三步祝曰

三天符命召龍致雨天丁在前風伯司舉玉  
路閉塞陰陽間阻升降二炁飛空走雨當直  
龍神依符奉行敢有不伏水官飛奏上清天  
丁斬殺汝形玉清靈命汝須敬聽

樓四

二十一

右投符訖急退恐雷水驚人書符鐵板長  
一尺二寸闊四寸面以朱書召龍符背以  
黑書致雨符


祈晴止雨立壇式

師曰於淨所露地障幕下建丙丁壇如常



式上層不增減中層分築二道下層別築一豎道或以赤泥塗地作丙丁壇形以絳羅作扇上朱書開晴符安於八方申水官府賜谷神王告下神龍主雨神祇第二日上止雨章如未應即神朝上帝請降太乙元君丁甲大神敷三昧火匣收束水炁斬斷水性分隸陰陽每行事六時行香持誦大梵隱語功成獲報宜醮謝天恩

賜谷丙丁壇




三天分開玉路請晴符

師曰凡霖霖日久雨水作灾當露壇上張

油幕以鴻鵠羽作扇八柄上以黃書玉路符安於八方不過一時雨即開霽三天分明安符祝曰

金水相生反為相刑火土之炁剋制傷形韓司整令三景光明陰陽分隸通達紫庭元始

大道戊乙丙丁急急如律令



按四

請雨章請官式

二十三

某錄弟子係天師某治某炁統領門下某品  
版券祭酒章奏臣某誠惶誠恐稽首頓首拜



拜

上言謹按文書某遭值運會得承師道助國  
扶命頃以寒暑不節妖孽滋生初陽以來亢  
旱無雨人失農務禾稼萎枯臣為百姓寒心  
請乞披雲降雨潤物滋生臣謹依靈寶大法  
貢章上聞願垂省理臣謹為上請太一直符  
五雷使者六丁玉女六甲大神河中玉女賜  
谷神王蓬中玉女湖中玉女應時下降執奉  
敕旨告下扶桑水府賜谷神王蓬萊都水大  
監水官司命四海九江三元水府并今歲直



雨龍神風伯雨師雷公電母九土社令仰分  
布地分部領所部界分主水行雨龍神疾速  
和合陰陽興雲布霧施降甘澤霽霈周足以  
救焦熬如有毀敗正炁妖惡乞從雷霆震伐  
以明天憲不致阻隔雨澤恩惟

接四

二十三

太上分別求哀臣愚謹因二官直使正一功  
曹左右官使者陰陽神決吏科車赤符吏剛  
風騎置吏驛馬上章吏飛龍騎吏等官操臣  
謹為某拜上

某章一函上詣

某曹治伏須告報臣某誠惶誠恐稽首頓首  
再拜以

聞

空三行

臣某屬 某宮焚修

空三行

空三行

大清光緒三十三年無極大道本老君奉天金帝君命天老仙都君九烈入京萬重道系三百官奉天清金關寶蓋下

年號歲深某甲子某月某朔某日午某時章於某處某壇拜上

空三行

可漏用全紙一幅為之

太清玄元無上三天無極大道太清金闕七寶玉陛下 具章奏法位臣姓某上奏謹封

內方函

謹謹上

某曹治某官

請

具章奏法位姓某謹重封

外方函

謹謹上

三天門下

請

請

具章奏法位姓某謹重封

祈晴章請官式

具章奏法位如前

上言臣謹按文書某遭值運會得承師道助

國扶命頃以寒暑不節夏秋以來陰氣遍布



遂爾不息霖雨浩衍百川滂溢萬姓廢業田  
苗蕩沒朝野憂難請臣謹依靈寶大法貢章  
上聞願乞遷達臣謹為上請河中玉女海中  
玉女湖中玉女水官直符告下三元水府水  
官曹局江河淮瀆泉源溪澗主水龍神雲雷  
雨部風伯等神今歲行雨龍神雨師疾速收  
雲歛霧分隸陰陽止雨開光各歸所治以為  
効信恩惟

樓四

二十四

太上分別求哀臣愚謹因二官直使正一功  
曹左右官使者陰陽神決吏科車赤符吏剛

風騎置吏驛馬上章。吏飛龍騎吏等官操。臣  
謹為某拜上某章一函上詣。

某曹治伏須告報。臣某誠惶誠恐稽首頓首  
再拜以

聞

空三行

如第二章亦如此。但請云太乙元君六丁  
玉女六甲大神天丁力士一時下降速收  
水炁斬伐水恠分決泉源開通玉路顯明  
三光以為效信

九種陰功禳鎮修誦式

師曰若天地運度當素書龍鳳烝文於紫  
羅之上安於名山修誦是經以禳之若星  
宿錯度日月失昏當黃素朱書五老赤書  
玉字真文安於名山修誦是經以禳之若

樓四

二十五

四時失度陰陽不調當青素朱書大梵隱  
語正音章安於里域祠廟名山修誦以禳  
之若國主有灾兵革四興當以黃素朱書  
三十二天祕諱隨身佩帶修誦以禳之若  
疫毒流行兆民死傷當以綠素丹書三十



二天正音章隨身佩帶修誦以禳之若師  
友命過當以黃素朱書大梵隱語無量內

音焚而度之

玉篆並見禳  
鎮佩服門

凡行用皆存身為靈寶天尊掐中指中取  
天門三炁面南書之如能依前法修齋至  
念存誠書符誦詠則諸天紀名萬神侍衛  
克得為金闕之臣魔王保舉也

### 禳灾度厄法

師曰若日月薄蝕山川震崩疫毒流行陰  
陽失律寒暑差時兆當入靖室端坐誦詠

大梵正音之章佩大梵震靈之符以却萬  
灾召集和氣衛護兆身庶安境土法當以  
黃素朱書符氣佩之則感五帝友別萬聖  
臨軒飛度法身得為真人免穰厄難矣書  
時存身為道君掐上清訣取九霄正炁遶

筆叩齒三作默呪書之

呪曰

梵炁彌羅 大梵流光 敷為真文 玄應朝陽  
華英晃灼 復衛中黃 感激魁魘 正斗明梁  
導恢流梵 紀律玄罡 大震靈音 調陰和陽



統制萬神 回度真常 臣御眾魔 我位上王  
急急如 靈寶律令

大梵震靈符

上開 飛天 三景逃形  
八門 法輪 回死作生

接四

三六

運炁黃中 周回 度命 五行  
三田自冲 十方 反童 行


順 四炁 祖炁煥映  
序 常豐 澄景無窮

梵琳纏霞 百神 元育 華君  
飛躍丹龍 混合 冥童 受命

總攬 赫奕齊功 萬炁  
玄宗 靈應昊窮 齊仙

斗星 返我混芒 玉教  
浩融 億劫無終 撫鎮 符

直符 明協 合慶  
在中 二紀 元功



大梵飛空

師曰學道之士凡遇三元八節本命之辰  
或國主有灾饑饉失時或法身昏病五音  
呪詛灾星正照惡曜旁臨或兆庶冤枉不

接四

二十七

明男女不育山林猛戾剛狠之邪或飛空  
入地半天之神魁恠為殃難救治者當行  
飛空之道拜伏心章躡旋斗歷箕之罡行  
坎離交媾之道默朝靈寶上帝運思一泥  
丸之理洞達杳冥則鬼神振伏萬炁長存



不經苦惱身有光明萬炁齊仙却灾除厄  
所謂上品妙道者也法於當齋之日寅旦  
之時入室端坐雙手靈寶訣相按於左右  
膝正念澄神使內想不出外想不入見五  
臟六腑內外瑩徹存左日右月去面九寸  
頂中出五色圓象內有寶珠髣髴於空中  
旋運次思三十二天帝君並駕五色八景  
之輿各從本方而至並於頂中各出五方  
五色真炁如絲交媾萬道寶光合我真炁  
畢想後唱擊法鼓二十四通以集二十四

炁覺兆身下丹田玄炁盤旋而上交泆於  
心中温温盤折自兩眉間至髮際而出化  
爲二十四神次存夾脊之後有雙宮室如  
琉璃之殿殿中有水晶寶珠內外光徹尾  
閭自腎元逆有青碧之泉返湧朝至泥丸

宮宮中有日月洞映成金碧流光之臺上  
有始青帝君降紫黃白青碧五色直入兆  
頂門結爲寶臺次存兆玄炁化成真人坐  
於寶臺之上萬炁齊臨身坐百寶光明徹  
見十方三界內外一如目前然後默誦大

梵隱語六十四句每一句恰子至亥十二  
宮吸炁吹彈兆身至坎離乾坤四句即叩  
齒三十六通存三清北玄之炁交媾中有  
日月交光吸炁漱津納之九作誦呪

呪曰

撲四

二十八

玄黃素輝 晃朗紫微 始青琳梵 交換金芝

出元入空 窈窕炁扉 結成靈胎 化為嬰兒

灼擲流鈴 鬱變蒼嶠 萬天森輔 遠示披衣

三田溢充 瑞光騫霓 黃老變仙 超脫苦危

無為上仁 與道無虧



右呪畢服前符回身出戶勿得返顧左右  
如此行之六十四日則萬靈振伏招集群  
仙天無氛穢地絕妖塵冥慧洞清得入玄  
玄大洞無量之文矣

禳治水恠法

師曰陰雲暴起雲現赤黃炁突如煙必致  
雨雹烈雷水恠作妖或江海之中陰雲黑  
炁亦有大風損物當先步火鈴罡促四山  
訣至戌巡至斗到辰上爪文至上清訣搯  
定以朱點之次用赤絲纏三次搯定面南

方立存泥丸中元始天尊默誦隱語十遍  
次移掐玉清訣面南存火星三芒如火以  
鼻引入口閉炁三息密呪

呪曰

赤黃炁

三昧靈

元尊敕

水精傾

樓四

二十九

右呪訖望雲頭吐炁如此三作則水精墮  
地風雷不損於物若狂風暴雨折木飄石

當掐天皇印

左第二指掐大指根却以大指掐申文


存用默

以止風之因祝之念元始止風呪取西北

炁吹書後符一道於瓦石上又呪書第二

道次書心印放訣以符安天門方上其風  
立止

止風符



先書



次書 又書真形印

元始止風呪

道道盡屬元始天尊 雖兼拂敕 上在天門

師曰如渡江海遇風濤大作欲傾覆舟船  
當書鎮海符存斗口罩頭罡星指前對鼻  
之頭舟船之首正中心目正視舟船之首



祝消禍呪七遍次止波呪一遍次投鎮海符再呪安鎮呪一遍吹身其風波自息矣

消禍呪

卷蓬卷蓬河伯導前止蛟龍萬禍消滅天晴明急急如

元始上帝敕


止波呪

水神波神 馮夷主者 子胥神君 波靜水寧

天仙地神 玉帝出遊 龍伏虎潛 水官奉敕

我等安然 急急如律令

鎮海符



樓四

三十

安鎮呪

元始安鎮 敷落五篇 赤書玉字 八威龍文  
保禍劫運 使天長存 急急如  
元始上帝敕

六丁斬水恠符



右符用方磚一片書之先念敕朱墨筆呪

呪曰

太玄殺炁朱丹流光入於其中萬惡滅亡

急急如

靈寶符命敕

此呪一切符皆用先念次書符了方念祝



呪

呪曰

六丁大神 六丁玉女 奉天符命 誅斬恠物

剗睛截爪 取腦破腹 急急如

靈寶符命敕

樓四

右玉清訣取旬中丁方炁吹投之

三十一

除火妖法

師曰天生鬼物乃為旱魃天生魘形名曰  
火妖雲烈赤霞无翳熱燠風聲如奔馬乃  
作火災當指坎文以墨塗之用皂絲纏五

匝面北方存水辰有五蒼炁以鼻引閉炁  
五息念呪

呪曰

金之子告子知火尅母母子救之急飛灑成  
河池海江宅舍火滅煙糜赤妖之精沉埋萬  
尺急急如元始律令

右呪五遍望火妖方吹之即時炎炎息禍  
火妖沉殞矣

滅火害法

師曰世有狂精分類滅之凡人死而靈者

鬼也物之所附者精也神之不正者邪也  
四生與禍者妖也凶殺變現者恠也或有  
山魃天狐大蟒長蛟作害生人者當建三  
天靜炁壇以淨灰築高三尺方方闊三尺  
六寸以二人持灰各一斛自乾方起布之  
分左右二壇各圍一周又云面方六尺壇外布火  
七堆水八甕如期行事六時登壇仗劍念  
神公掃蕩呪

呪曰

三十二天三十二帝諸天隱諱諸天隱名天



中空洞自然靈章諸天隱韻天中之音天中  
之尊天中之神天中大魔王天中之靈九和十  
合變化上清無量之奧深不可詳敷落神真  
普度天人今日欣慶受度歷關諸天請滅三  
惡斬絕地根飛度五戶名列太玄魔王監舉

接四

三十二

无拘天門東斗注箒西斗記名北斗落死南  
斗上生中斗大魁總監衆靈青帝護鬼白帝  
侍鬼赤帝養炁黑帝通血黃帝中主萬神无  
越青天魔王巴元醜伯赤天魔王負天擔石  
白天魔王反山六目黑天魔王監醜朗馥黃

天魔王橫天擔力五帝大魔萬神之宗飛行  
鼓從總領鬼兵麾幢鼓節遊觀太空自號赫  
奕諸天齊功上天度人嚴攝北酆神公受命  
普掃不祥八威吐毒猛馬四張天丁前驅大  
帥仗旛擲火萬里流鈴八衝敢有干試拒遏  
上真金鉞前戮巨天後刑屠割鬼爽風火無  
停千千截首萬萬翦形魔無干犯鬼無妖精  
三官北酆明檢鬼營不得容隱金馬驛程普  
告無窮萬神咸聽三界五帝列言上清

如此不及七日則其害被天神滅了擲於

壇中以劔揮之棄流水中如小醜小妖不  
必用水火但於壇中以灰書延由二字亦  
六時遶壇誦掃蕩呪不及三日其妖亦囚  
於壇中並現形跡却祝壇中神吏送北天  
治罪或伐恠木邪廟以及灰圍書掃蕩呪安

接四


三十三

東南方密誦十遍取天門炁剔玉清訣不  
一旬則天雷破伐矣或水湫泉穴書呪於  
石上沉之亦誦呪如前不七日伐出蛟蜃  
更以符伐之立應或能以上築壇尤勝平  
地畫者如急用則不必立壇矣




師曰延者束鬼之庭由者禁鬼之房並禁  
制鬼神以灰二斗並左右手玉清訣以第  
二指畫之不用文檄或以黃紙朱書二符  
安灰中心其邪妖鬼神自然攝伏其中或  
沉水內爲水獄或燒火內爲火獄變化由  
已耳

三天靜氣壇




東鬼之庭



延字

禁鬼之房



由字

置獄呪

束鬼之延 禁鬼之由 鬼邪干真 罪犯愆尤  
玉清天丁 捉入禁囚 變化自然 毋使稽留  
急急如

靈寶律令

樓四

右法玉清訣東炁吹符并獄內

三十四

三天驅蝗法

師曰凡驅蝗用桃木板八片各長二尺四寸闊三寸用雄黃書朱湖符八道以茶酒果緋繒綵各三分祭南方萬應赤帝真君



朱湖使者使者長三十萬丈紅睛焦髮緋袍絳裙丹冠朱履身乘萬丈火光手持三昧火輪乘丹穴朱雀之炁有萬禽隨從其後祝曰

稟奉元始教言玉皇赤文驅除蟲恠斷絕蝗螟吾今召汝一如奉行蟲蝗父母蟲蝗子孫速須遠去不得久停一蟲違令皆化微塵祝畢取炁吹符釘於八方入地一尺餘蟲蝗應時自滅則多稼可豐成濟世之功矣

驅蝗朱湖符



上方世界八千人下方持地四將軍三五吏  
兵除惡鬼四六童子守汝身汝左青龍右白  
虎上有朱雀下玄武前有功曹後主簿若有  
厭魅還本主須臾不去與天斧急急如  
元始上帝敕

右符朱書黃上玉清訣取旬中甲方炁吹  
之用一道佩身又一道焚於中庭又一道  
燒灰以水調灑室中又一道以烏梅七箇  
甘草三寸煎湯吞之其厭魅物皆吐出

驅神除害立壇式




師曰下元山川有河海之內城邑鄉域村  
塢之中木石禽獸之精五行不正之神下  
土強惡之鬼魍魎妖厭之鬼妄作妖孽侵  
害生靈或北陰酆都血食之賓結連祖考  
近化姻親冢訟冥曹伏連火害延及生人  
諸不能治解者當擇淨室或曠野人迥靜  
之處取淨土建三層玄樞壇三級每級高  
一尺上層闊二尺當中心皇宮設北極大  
帝天皇大帝中層闊三尺列北斗九皇南  
斗六司日月三台之位皆依星像然燈下

層閣六尺列三元將軍十二支神太歲擎  
羊陀羅二使者四直功曹土地正神前列  
洞案書南北二斗諱於燈上燒以五色線  
自斗口牽至洞案下依儀關啓暗書匿過  
自謝已愆和合年命禳解灾厄但人道肅  
清鬼妖戢息或不及壘土為壇則用白堊  
粉畫地為三級依儀行之

樓四

二十六

### 三晨玄樞壇



### 禳灾解厄立壇式

師曰凡一切灾厄禍難至大之事並從大  
赤金科建三天總炁壇具式在前若小小  
厄會宜立生化壇高五尺圓面徑九尺上  
立標柱上建天盤立斗燈九盞或不能以  
土築壇却用白堊土或以刀物畫一周圍

以斗燈安臺凳之上以象天盤立斗之形  
若能一一依式尤更殊妙次備淨水時花  
名香細果醇釀各九分以彩畫雲馬九疋  
馬為奔走之勢雲作飛逸之形於空隙處  
寫鄉貫姓名隨意書所患災禍因依並乞

按曰


三十七

解脫令其過度永保長生及注年月日時  
每一疋雲馬上書奏一星名次於馬鞍上  
各書斗符斗經者以朱書各星用一獻狀  
如常式臨火化之又畫雲馬六疋亦書南  
斗符在斗經中並同前式仍朱書三天育



局符三道用一道令被災之人於暗室中  
書平生密事昧心之由實封并金錢九伯  
貫同雲馬焚之次以一道燒灰服之又以  
一道戴於頂中九十八拜而退一切灾厄  
立得解脫而復生矣

三天育死局符又曰和合辛命符




右符下書其人命某歲某月某日某時建  
 生上屬北斗某星主掌平生罪犯隨意書  
 之願乞赦原

謹請五星靈應帝君和某人年命急急如  
 元始天尊敕本師真君令

以朱書呪十次玉清北斗炁及本命星炁  
 吹之

飛斗式



飛神密奏

樓四

三十八

訣曰先步斗自柄入斗口復回至柄罩身  
 再步入斗口三拜至第三拜俯伏存身如  
 法下丹田白衣入絳宮青衣入泥丸紫衣  
 入畢想五臟五色炁以神乘之以舌為度  
 仙橋如長虹之狀隱隱而見良久漸漸分


明面前有一池水水上見橋直入斗口自  
已乘炁登橋至斗口見光明照耀如月之  
狀其中有玉殿金階即默呼四直使者具  
白情意見使者入斗中逐一星宮奏之次  
見擎羊陀羅二使者下降檢察醮筵復奏  
星宮有斗中上奏靈官引兆奏事蒙旨恩  
允再拜便回又存如前至南斗中奏事次  
見火鈴大將軍六星童子下降亦如此檢  
察訖良久有紫雲異香或赤光入戶乃二  
斗下降忌孝子婦女雞犬僧尼見之






首四色各八首安四方黃色十二首安中  
央五方然燈四十九盞八卦九宮十二支  
神十二支大神三台九晨科式已行于世  
矣

靈寶玄壇



火鈴辟惡愈灾法

師曰南宮有韓司火府中有赤文流火之  
章金真神印結丹霞之秀氣凝三光之玄  
文名丹天流金火鈴神印丹華映日金火  
騰輝擲龍名雷煉魂登真翦伐水恠驅蕩





陰爽愈灾却癘度厄辟病焚燒六醜降伏  
五魔侍印有一炁丹華上吏三千人火鈴  
大將六百人金光神童一百二十人請直  
印請暉隨印節度乃赤帝之總章韓君之  
火鈴祕於丹炎之府輝耀之臺以絳瓊作  
樓四  
文封以元照靈虛之章三百年以印給付  
南宮之官佐化行功於下元者受之於心  
不示凡才妄泄受左官考罰

### 造火鈴印式

師曰凡造印擇丙丁日取木火納音者用

靈地神桃向南之枝命匠刊造方面二寸一分厚七分刊印了埋於淨處東南隅上入地深七寸許日用香一炷焚於所埋地上三禮無祝而退如是七日了取出以流水洗去土用香湯浴之以真丹填齒如法祭之常貯於青丹黃錦囊中勿令染塵犯違正忝犯之則佐吏不降徒勞精思耳

### 受持神印式

訣曰凡受持取印札於肘後至丁日丁時面丁方步火鈴罌存玉女真形六人

呪曰

魁魘魁魘魁魘魁魘魁魘魁魘  
中存急急如火鈴攝

右呪六遍每遍取炁呵印上七日不得食  
肉及諸腥辛七日足

第八日甲日甲時面甲方步火鈴罡存六  
甲神將真形六人

呪曰

魁魘魁魘魁魘魁魘魁魘魁魘  
中安急急如火鈴攝



右呪六遍每遍取炁吹印上二日不得食  
五辛菜果油至二日足

第三日丙日面丙方步火鈴置面日叩齒  
九通存日光覆印穿齒同旋九重

呪曰

接四

四十一

吁負童子

召光鬱儀

赤帝洞浮

南闔吐輝

玉眸說說

萬惡說說

臣奉師命

不敢稽違

光炁九纏

丁甲隨持

元皇口敕

陰炁消糜

呪八十一遍取炁八十一次噴印上至辰

日戌時步火鈴置面斗叩齒七通仰面祝

呪曰

陀羅育邈 清光斗晨 太一靈童 魁罡元君  
元皇妙炁 育印通真 至靈至聖 違邪必應  
火鈴金光 叱馘妖氛 魁輝罡炁 摧滅萬兇  
一印福生 元亨利貞

右呪四十九遍取炁四十九次吹印上如是畢祭了安之

用印或

大凡封山召神檄龍馘妖鎮水渡波愈瘟消患並左右手掐火鈴印步火鈴罡面南

存心火如絲入印齒交穿纏繞九重如赤  
光羅映畢即叩齒九通祝曰

臣某上啓

南上一炁宗神長生大君韓君司馬大神伏  
望特賜正炁入臣印中隨炁召降金真玉光

接四

四十二


八景大神火鈴大將開明靈童三炁上吏文  
秀舒光隨印節度煥赫天威焚蕩妖克擲火  
前伐流鈴從奔風狂火伐所印利貞玉帝上  
命神公奉行急急如火鈴律令

祝畢口引上官正炁布印上次印之或印



砂石沈埋水中地中或印尺素上吞佩之  
 或印封泥上或印痛處皆不過三作必愈  
 須忌穢蒸干印干之則印破不神矣

流金火鈴神印




火鈴罝

左

右  
 左

火鈴罡



用火鈴訣掐左手中指至離文至甲下挑入印中

接四

四十三

火鈴印治病法

訣曰凡有寒炁痛炁等疾左手掐離文日亦

日君訣凡本多以辰為日訣不知辰為天罡也天黃炁陽精育菟洞陽練明三炁故訣離為日君訣也右手執印當令動止詳緩毋使

神炁輕浮範象師巫取笑世俗矣當行持

去兆兩步以印文向之即其位白一炁宗

神長生大君小兆某疾上請真炁謹召流

鈴飛晃赤炁帝君佐吏文秀舒光曜明滅

魔印攝

次引日芒映身心混合為一復從鼻出穿

印彌羅兆身纏絡三匝乃止

上清重明九斗陽芒火鈴真符又曰止

煉身符

炎神 火鈴 上通 下徹

紫極 黃冥

己

却妖

煉魂

赤帝

火精二神

之靈

化形流火

三台

煉胎

魂煉

萬邪

流光

易質

鬼康

殂滅

成喚

飛揚

上元賜福天官中元赦罪地官下元

解厄水官天蓬大元帥天猷大元帥

翊聖大元帥佑聖大元帥子丑寅卯

辰巳午未申酉戌亥





子

精神

一德

子

洞入

火鄉

子

混合九炁

總炁虛皇

齋

昊天

流金

元天

貞利

有救

震芒

煥落

無疆

急急急

樓四

四十四

煉

煉鬼

斬

驅禳用

書煉字呪

南方之君 赤炁之精 熒惑使者 丙丁將軍

朱雀炎神 赫赫陽晶 五行造化 萬物發生

天帝有敕 符到奉行 人神受煉 永保長生  
急急如律令

書斬字呪

結空成梵 真炁自生 赤書玉字 八威龍文  
治病斬邪 萬生安寧 保制劫運 使天長存  
急急如律令



右符繞制百殺煉陰正陽朱書上清訣上  
宮正炁南向凝神染丹筆引太陽九芒下  
繞紙筆書之吞佩貼鎮皆可施用

總敕呪

祖道玄真烜赫正成鬱儀皎質熒惑澡形赤

接四

四十五

明和陽理禁威靈耀明宗飄帝重光明戊巳  
之英中央鎮星掃蕩邪炁破滅妖精海逢之  
沸木逢之燼火逢之滅金逢之焰長離之主  
統攝飛行迷離奴那唵唵吽吽唵唵吽吽唵  
唵吽吽總括張羅東海青童迷泥奴那唵唵



吽吽唵唵吽吽唵唵吽吽急急如律令  
右呪訖存太陽光芒烜赫注入符中外有  
請炁行持具見玉音攝炁靈書

上部三境真符

玉清聖境上天天帝上清真境

三

九天總管太清仙境捉鬼將直

玉皇上帝縛鬼將直五方五帝

速降真炁五方真君炁隨符行




筆行

鬼神

行筆住鬼神住神

筆既住剝刻不移



救呪

謹請太上玄皇妙道真君九天丈人仙官僕

射五嶽尊神速降真炁入臣符中隨符所救  
鬼死人安急急如律令

右符朱書黃上三清訣天門炁吹祝了取  
五方炁吹燒灰香水吞下治疾立安一百  
刻三服見效

中部輔翊真符

紫微大帝。天蓬元帥救煞。


救煞鬼。天猷元帥救煞。

翊聖保德真君煞。天關大神煞。

佑聖靈應真君煞。地軸大神煞。

樓四

四十六



救呪



謹請九天雲路上清追捉大元帥江巨源翟  
世寧趙子玉徐來中一依符命隨符前去收  
捉鬼邪治病安寧急急如

上清元降律令

右法紫微印黑書黃上北炁用一道燒人  
門用七道燒灰以桃心汁調服有返魂之  
功也

下部五功曹真符


青帝護魂東斗注算

赤帝養炁

青天魔王巴元醜伯

南斗上生

火鈴罡



用火鈴訣掐左手中指至離文至甲下挑入印中

接四

四十三

火鈴印治病法

訣曰凡有寒炁痛炁等疾左手掐離文日亦

日君訣凡本多以辰為日訣不知辰為天罡也天黃炁陽精育菟洞陽練明三炁故訣離為日君訣也右手執印當令動止詳緩毋使

神炁輕浮範象師巫取笑世俗矣當行持

去兆兩步以印文向之即其位白一炁宗

神長生大君小兆某疾上請真炁謹召流

鈴飛晃赤炁帝君佐吏文秀舒光曜明滅

魔印攝

次引日芒映身心混合為一復從鼻出穿

印彌羅兆身纏絡三匝乃止

上清重明九斗陽芒火鈴真符又曰大止

煉身符

炎神 火鈴 上通 下徹

紫極 黃冥

